

四庫全書

集部

欽定四庫全書

集部
秋崖集卷七至十

詳校官起居注主事臣顧宗泰

主事臣呂雲棟覆勘

總校官進士臣朱鈞

校對官中書臣高中

謄錄監生臣施華

欽定四庫全書

秋崖集卷七

詩七言律體

登山

一番雨過長莓苔乘興登臨倦眼開
花落無聲春取去社寒有信燕將來
人間事已不啻足海上翁今莫見猜
負郭曾微耕雨處自題詩句覓檀栽

宋 方岳 撰

其二

物華無處不東風，只恐東風笑此翁。
雙鬢不隨春草綠，一尊聊借老顏紅。
暮聲未急雨聲急，眼力無窮脚力窮。
穿徑本為行散計，却將籃笋上空濛。

種松先公墓下

一壑風衰二十秋，俛行詰曲翳松楸。
冢前無路草欲沒，泉下有知山亦愁。
翁仲不言闕氣運，衣冠如在想神遊。
何年夾道虬龍侶，淚濕春泥兒白頭。

採蕨

野燒初肥紫玉圓
枯松瀑布煮春煙
偃徐妙處元無骨
鈎弋生來已作拳
蚤韭不甘同臭味
秋尊雖滑帶腥涎
食經豈為兒曹設
弱脚寒中愁未然

舟行省墓

半篙新綠落寒沙
芳草王孫自物華
春事已隨蝴蝶夢
人情猶有杜鵑花
百年易盡一彈指
兩曜不停雙轉車
手種寸苗今老大
滿山鱗甲動龍蛇

次韻所居龍池卷

從來絕技似屠龍莫倚神奇阿堵中
但得直聲如汲黯
儘渠曲學付孫洪
草堂自作冥鴻計
藥市寧收汗馬功
古井無波門巷靜
再三不用起雷風

次韻羹覓

琉璃蒸乳壓純膏
未抵齋厨格調高
脫粟飯香供野覓
荷鋤人飽撚霜毛
斷無文伯可相累
比似何曾無大毫
見說能醫射工毒
人間此物政騷騷

次韻閒中

區中何日了塵緣
落草牛須薦鼻穿
乾沒一生空歲月
見成三逕老風煙
山林有味從今我
鐘鼎無心付老天
田彼南山多種豆
不愁饑火苦相煎

麥嘆

田家望麥在須臾
何啻中流濟一壺
黑雨漫天殊未已
黃雲委地不堪扶
禽聲快活真成誤
鳩婦流離空自呼
亦笑此翁長負腹
又尋杞菊誑齋盂

舊傳有客謁一士夫題其刺云琴棋詩酒客因
與談笑戲成此詩

癡書到底成何事只有窮愁上鬢絲鑄錯空糜六州鐵
補鞋不似兩錢錐誰歟莫逆溪山我幸甚無能詩酒基
依舊挂書牛角去笑渠到底是書癡

次韻張錄攜書見過

家在屏山東復東高軒肯過白雲中石橋自是神仙處
竹屋相傳詩律工日暮春江愁李白山寒秋菊老龜蒙

時平莫袖揮毫手此論於予却未公

其二

君家自有神奇在底用濃熏到馬班
黃石一編燈火外
紫芒雙劍斗牛間誰能莫府初開印
聞有詩人便入山
雨過勘廳春草綠與吾意思政相關

西崦

西崦東岡取次行倚松小立又詩成
山風溪月寶無價
牧笛樵歌畫有聲半頃萊田供伏臘
一間茅屋老昇平

金步四庫全書
卷七
未知沮溺今何侶却怕諸生問姓名

答客問

本自滄浪一釣竿秋風還我舊沙灘
未論袁聖宜休去只作劉蕢不第看
書授我猶慙取履位因人莫便彈冠
不然林下何曾見靈澈能拈作笑端

以越箋與三四弟有詩次韻

無復花生掘筆頭一生長負剡藤羞
過門盡是陳驚坐得句今誰趙倚樓
社友書來煩寄語山翁鬢已不禁秋

老干仙去吾宗冷有繼華星一字不

百十一弟致陶印

不妨主掌舊林泉山澤癯儒半列仙判月可無方寸印
勸書猶有一朝權陶人解作蟲魚篆道號寧須金石鐫
約束風煙聽驅使吾家季子似差賢

小集次韻

纔能詩便不能閒與客提壺且看山紫翠夕陽煙漠漠
綠陰深樹鳥闐闐酒盃不負林泉約春事已非桃李顏

我醉欲眠君莫去竹間自有月三間

時事

閒身久矣屬煙波時事誰傳到釣蓑無一可忻真老矣
有三太息奈渠何君為堯舜寧非幸人在羲皇不啻過
擊壤共歌年穀熟此生帝力已居多

買菊栽

新綠叢叢手自培東籬準擬白衣來荷鋤政欠半畦雨
抱甕空遺滿徑苔說與園丁重九近毋煩老子再三催

徑須尋覓誰家有帶土移將一兩栽

木犀

香到人間香更幽月明風露正颼颼天開金粟如來藏
人立廣寒宮殿秋幾許多清冰腦片一些來大雪花頭
此生若並凡紅紫安得竒芬死不休

其二

葉葉寒清粟粟黃何年月斧落吳剛秋風誤到人間世
幽壑難藏天上香渺立塵氛羣玉府獨餐沆瀣碧雲鄉

生來不並凡紅紫合在蟾蜍硯滴旁

其三

羽觴和月嚼冰黃自笑詩腸老更剛四出雪花些小大
五千書傳一齊香君從底處移仙籍日飲無何作醉鄉
風露清寒付誰可攜歸天祿校偏旁

枕石

短簟相攜入薜蘿且容眠石略婆娑未曾八月暑如此
何處中秋天最多一壑風煙貧受用百年時序老消磨

夕陽籬落誰橫笛似識山樵扣角歌

八月十四日食中秋遂無月

妖慕不為中秋地老兔先奔昨夜寒
世事相違劇晴雨
人生何苦許悲歡雲窓自照青藜杖
月戶重修白玉盤
坐想西風萬袍鵠政飛健筆寫琅玕

山中

繚碧縈青一逕深倦隨扶老上遙岑
耕雲自識本來面
曝日誰知見在心浮世事如風雨
過貴人頭亦雪霜侵

草庵雖窄乾坤濶野鶴孤雲不可尋

其二

十畝荒園斲野煙蔬畦麥隴帶平田
相忘魚鳥無餘地自信貂蟬有老天
靜處亦忙詩意思貧中之樂酒因緣
梅花不隔前村路只在霜橋雪屋邊

次韻探梅首尾吟

三花五葉把春來縞袂誰將玉尺裁
世外風煙甘寂寞雪中冰雪自崔嵬
提壺東閣詩仍在檢點南枝暖獨回

已辦藤溪瀉寒月三花五藥把春來

次韻魏監丞鹿鳴詩

舍蓋中堂肯治齊山川人物鳳師師拔鯨牙一添賓貢
歌鹿鳴三樂聖時郡有龔黃金玉汝君為堯舜蓼蕭斯
老農扣角風煙外但播中和樂職詩

十二月十日

酒醒開門雪滿山徑穿疎竹上危欄溪山與我俱成畫
草樹惟梅大耐寒留伴夜深銀鑿落莫綠春近玉闌珊

老枝擎重供詩嚼一洗相如渴肺肝

送程伯茂僉書武昌

平時浪說筆如杠誰不玉堂雲霧牕采石月明纔夜講
武昌魚美又春江洲橫鸚鵡天為限竈列貔貅陣未降
重國西門煩老檄秋風莫倚暗埋樁

飯牛

北闕南門各路頭不才多病兩相投無錢使鬼貧何害
有句驚人死亦休春意不關花代謝吾生聊與世沈浮

按渚雙手煙嵐濕笑向前坡飽飯牛

上巳溪汎

舴艋舟輕暖欲酣鷓鴣杓重老何堪風霜兩鬢五十五
楊柳幾番三月三禊帖又逢今癸丑蘭亭仍是舊東南
死生政亦尋常事却笑諸賢苦未諳

次韻貽姪

鶴形煉得不勝癯樵笛漁竿只自娛人倚草亭今夜月
天開山市晚晴圖片雲留住吾馬往斗酒能攜誰與俱

三十年前頭已雪久知共道世間無

鑿山為墳貽姪有詩次韻

著書無復可藏山朽骨何堪定眼觀從左右旋天倚蓋
哉生死魄月循環虛空身亦為吾患見在心誰乞汝安
試問春風舊蹤跡不知天上與人間

郡為表弟程起狀元坊並為陳人重起省元
坊

場屋華然采選圖采來唱雉偶成盧敢同君子名吾里

不料公卿出此塗華表自旌新進士廢人併起甃浮屠
少年三五時堪笑差覺今吾非故吾

瑾屋

旋瑾山寮準備冬石爐松火儘從容功名那及生前酒
機會多如飯後鐘誰寄一詩同保社自將千竹比侯封
客來欲覓秋崖去知在白雲何處峯

老態

看書之眼看山脚二事俱妨可奈渠藥自不能專忌蟹

酒吾甚愛未浮蛆處人間世每如此微造物遊誰與居
衰病老來常態耳莫教左右手孤子

九日

把住秋雲繞菊籬野情未覺老垂垂古今不遇豈惟我
風雨相過不問誰未郭索前空有酒自陶潛後久無詩
底須計較明年健只麼悠然自一奇

雪後

雪後山齋鶴睡殘登臨等得蘚泥乾母多酌酒亦成醉

儘足看梅不道寒籬落十分春意思人家一色玉欄干
小詩未足冰生硯洗盡人間渴肺肝

梅邊

野人暖入狼頭帽雪後寒生鶴膝杖杖屨與峯回路轉
溪山又物換星移酒能作祟可忘酒詩不窮人未是詩
筆走秋蛇情爛熳誰知方寸太平時

復雪

老夫茅屋住冰壺山市人家亦畫圖世界空花春勢力

神仙乾汞水工夫詩情浩浩迷高厚元氣茫茫混有無
一夜東風天萬里併歸石鈿小磚爐

再賦

自領蒼頭挈短壺興成何必剡溪圖有難為者梅兄弟
豈易卑哉竹丈夫賓從野情紛爛熳山川雲氣上虛無
相隨石鼎清如水底用侯家暖玉爐

轉孫初生程弟有詩次韻時予頭風適愈

一庵深掩兩三峯白髮從渠自不公但有孫同開口笑

縱無檄亦愈頭風
鳶肩火色非吾事
牛背煙霏在眼中
要識之無堪底用
歸鋤荷月且扶翁

病目

病眸未老已昏眇
近廢秋堂幾卷書
世事難看寧閉却
人生自擾正紛如
碁聲久避燈前雨
菜本猶堪月下鋤
面壁且容跣足坐
此心雅與俗人疎

山間逢梅

自脫羸驂野水濱
隔橋孤倚欲迎人
經年不覩雪霜面

一夜頓回天地春
姑射仙猶疑昨夢
首陽人恐是前身
歲寒莫問香何晚
畢竟凡花落後塵

胡得唯索寫近詩

生涯未辦濶疎酒
書冊相攜檢點梅
過眼事真如墮甌
向人口合且銜枚
昨窺古鏡十分瘦
病起晴窓一硯埃
舉世好竽吾好瑟
故人猶索寫詩來

簡王尉

買書終欲寄幽村
槿樹籬遮水際門
滿聽秋聲移竹母

徑眠明月枕桐孫諸公未逸市朝累六籍坐為場屋昏
有客不來吾亦病欲推此語與誰論

用葉司理韻簡趙尉

灞橋曾繫雪中鞍本自無愁可得寬山雨吹燈留客醉
官梅隔屋挾詩寒月明烏鵲占佳晤尊老鱸魚夢故闕
住近短牆通草徑却須時一過方干

十月六日園丁置墨紫

已是年時欲雪天誰回冷落作芳妍極知品在羣葩上

忽與梅爭一着先顏色依然香墨重花頭不減暮春圓
人言桃李多如此有底能移造化權

歐陽相士謁書詣梁權郡詩以代之

江臯誤洗荷鋤手滴盡滄浪書滿家第一諱窮人謬甚
再三稱好子虛耶霜眠茅屋可無酒春到梅梢怕有花
煩見歙州梁別駕為言詩骨雪槎牙

病起木犀已謝

一年秋是桂花開誰道今年負酒杯造物小兒真惡劇

癡頑老子久摧頹清風明月不常有溪友山翁試與來
夜寂尚憐詩骨在時能引手作敲推

桂子白大監饌酒水炭

尺雪專為我輩寒故人亦肯記袁安麒麟紅作千金直
鸚鵡綠隨雙玉乾貸米不煩臨古帖敲門未敢兀吟鞍
明朝第一番花信也辦瓊絲翠縷盤

除夜宿桐廬

才有佳山便歇程島煙汀雨正闕情世於吾道亦聊爾

我與梅花各瘦生無處不曾供夜話有田誰肯廢春耕
年華俱在客中過只為天公乞一晴

除夜

年華三百六十日塵勞八萬四千門高眠茅屋人亦老
相對梅花燈欲昏靜中頗窺造物意極處是為天地根
生菜春盤一杯酒明朝花柳又村村

其二

挑盡寒燈歲又殘一年彈指幾悲歡人情何啻吳江冷

世路從來蜀道難
春酒正須今夕共
梅花併作百年看
團藥但得吾親健
未辦生涯意自寬

上己修禊社謝兩園

海棠過了只垂楊
合與良辰卜醉鄉
定勝永和三月禊
併遊社謝兩流觴
定州刻石猶真贗
晉代衣冠今在亡
陶寫豈無絲竹在
不醅酒渴與詩狂

檢校塢中

檢校平生瓜芋區
鋤雲荷月儘堪娛
山中鶴帳依然在

天下魚羹何處無古藓蒼厓松老大夕陽黃犢草荒蕪
縱無田亦歸來是說與秋風不為鱸

次韻鄭僉判

老我菟裘月一間仰眠黃犢看青山有詩倚竹猿猱逕
無夢排雲虎豹闕城郭是非溪隔斷風煙滅沒筆追還
底須一局銷長日併不能碁方是閒

其二

不論山北與山南是處移將竹兩三亦愛村深工部屋

尚嫌門對相公潭夕陽歸鳥占花塢山雨飯牛規草庵
口掛壁從生白醜是中除酒有無堪

其三

漁村留得舊蓑衣鷺侶鷗朋共斷磯衰髮三千餘丈白
倦遊五十二年非清風明月天四壁老木蒼藤草半扉
寂寞相從交有道驪駒未可遽言歸

其四

一枕羲皇失午煇久知吾道定寥寥客來且撥浮蛆甕

事過真成覆鹿蕉野性從來便水石此生自合老漁樵
移床更入深雲處厥木惟喬厥草天

其五

十畝山園賦遂初左花右竹了無餘擇陰老我自麋鹿
甘帶何人不唧蛆佛社獨容陶令醉帝城難作子公書
行山且不攜詩卷只許鷓鴣夷載後車

其六

白菰紫芰更紅蕖不枉平生水竹居醉眼豈知吾是我

機心亦笑子非魚無能涉世何妨睡有道登山只是徐
六月好風清樾底付渠天地一蘧蔭

其七

煙藤雲木捲蒼虬更放琅玕出一頭山下人家方酷暑
此中棋局自驚秋圖書如昨不堪煮風月無多誰與醜
怪得縱橫蘇季子歲寒也憶舊貂裘

其八

詩窮不易辨亭材只恁荒寒處處苔種秫便當終老去

愛花能有幾人來生前儘足竹三筵身外無窮水一杯
未必諸賢知此意柴門雖設不曾開

次韻陳祭酒直舍木犀

西雛夜直秋風底斷是龍涎不敢香月府肯分金粟粟
書床相對玉琅琅人間富貴夢不到世外高寒味儘長
亦笑柴桑千載士同時祇識菊花黃

雨花臺

孤雲落日倚西風歷歷興亡望眼中山入六朝青未了

江浮五馬恨無窮
客愁已付葡萄綠
逕雨空餘瑪瑙紅
我亦欲談當世事
無人喚醒紫髯翁

鳳凰臺

白髮久孤鸚鵡
盃碧梧自老
鳳凰臺管夷吾亦僅知許
李謫仙今安在哉
城郭是非秋雨外
江山形勝暮潮來
小留只等中秋月
且放青冥萬里開

白鷺亭

荻花蘆葉老
風煙獨上秋城
思渺然
白鷺不知如許事

赤烏又復幾何年六朝往事秦淮水一笛晚風江浦船
我輩人今竟誰是只堪漁艇夕陽邊

次韻王兄

江分曉色洗征衣吾道非邪儻是歟與世無緣傷骨鯁
歸田有日放眉舒虎頭食肉亦安用牛背看山却自如
留得荷鋤雙手在儘堪老瓦一軒渠

次韻陳料院

紅旗克敵本非才白首為郎更此來羣玉府應羞噲伍

碧油幢誤築燕臺江行莫等蛟鼉怒雨歇能令鷗鷺猜
三逕未荒歸路好秋風籬落菊花開

其二

涉世曾經幾折肱徑須歸卧北村燈往來屑屑無家燕
去住匆匆旦過僧浦溆舟寒秋婉婉江湖人老雪鬢鬢
草堂便在山深處無復尊鱸累季鷹

其三

書冊元非幕府才江山牽率老夫來畧分秋色歸吟卷

又誤春蓑下釣臺有意及時常輒軻無心於物莫驚猜
幽居亦有窮生活麥隴蔬畦手自開

其四

久矣寒窓美曲肱絕交書到短檠燈向來問舍漁樵侶
肯作歸田粥飯僧耕罷夕陽牛轂鯨睡殘明月鶴鬢髻
年來老懶略相似見兔何能便放鷹

烏衣園

吳宮晉苑半桑麻路入長干野草花秋晚夕陽空巷陌

春來燕子幾人家不攜妓與東山醉曾賭碁輸別墅
已近重陽風雨少菊花籬落酒旗斜

次韻吳樞密烏衣園舊韻

舊家門巷綠苔莠尚憶狨鞞馬意驕金鑿落浮朱雀浦
玉丁東上紫宸朝燕隨往事秋蕭瑟鴈帶夕陽江次寥
九日黃華晴亦好底須風雨又瀟瀟

九日集清涼佳處

老筆盤空墨未乾最佳處與着危欄江山分與諸賢管

風雨專為九日寒白髮自驚秋節序黃花曾識晉衣冠
未須計較明年健別做茱萸一等看

秋崖集卷七

欽定四庫全書

秋崖集卷八

宋 方岳 撰

詩 七句律體

移飲治城樓

亭臯渺渺葉聲乾更與西風一倚欄
鸚鵡杯深遺恨在麒麟冢沒莫煙
寒山如有約欲排闥詩不中書屢免
冠采菊東籬偶然耳有人傳作畫圖看

金陵懷古

過江諸老儘風流
煞有佳娛竟未酬
杯滑釀成千古恨
角寒吹老一城秋
蟹初上斷詩仍雋
燕已還家客自愁
漁父不知興廢事
月明多在荻花洲

病中酬王尉

造物無何亦小兒
一生心事只山知
江湖晚歲勤行李
風雨重陽倒接羅
硯老自研明月露
蟹香新在菊花時
與君共住維摩室
何日重攜鶴膝枝

雨夜持螯

白鷗盟在且歸休
吾道非邪自白鷗
識字不供餘子笑
能詩贏得一生愁
寒花已共歲年晚
薄酒難禁禁煙雨
秋郭索解園功獨雋
中書君擬內黃侯

呂宗卿以病謝客
明日約飯則予行矣
詩以代簡

長松落落雪霜姿
欲往從之我所思
剝啄始知摩詰病
推敲誰話賈僧詩
可羞吾事蚊蚋等
坐失先生鷄黍期

細雨斷雲秋晚路此情猶有菊花知

寄別季桐廬

一湖寒淥記傳杯三見孤山雪底梅脫我素冠惟骨在
聽君清話得眉開底須政事喧京輦例合詩人管釣臺
債縣近來那可向江山雖美盍歸來

次韻趙同年贈示進退格

半生湖海老元龍不肯函書問子公蓬鬢此來真潦倒
荷衣久已倦迎逢春風期集幾年夢夜醉比鄰一笑同

已洗從前箏笛耳豈堪奉缶雜唾鍾

其二

鬼自挪揄劉伯龍文窮斷不怨天公諸侯王表今安用
中聖賢人時一逢凡事無心從我拙獨詩有癖與君同
簷花細雨從容夜待發華鯨鏗鉅鐘

有蟹無酒

左手持螯欠酒杯枉烹郭索亦冤哉老饕借爾為詩地
多病憑誰作睡媒歸釣興隨春浩蕩獨醒人與月徘徊

淵明未必窮於我薄有公田辦秫材

九日與同年沈貫卿飲月墅

自摘黃花插滿頭誰憐白髮不禁秋同年肯過盧仝屋
九日共登王粲樓天氣政為吾輩設酒香莫對俗人筍
渠儂儘把茱萸看更與淵明風馬牛

春行

蘇石闌干一欠伸垂楊無力不禁顰清明此去幾何日
燕子未來誰可人病起不知雙鬢雪雨中老却一分春

西山雲卧巖拳紫待約溪翁飽食新

饒監丞惠詩有未能上下逐東野之句次韻寄

呈

誰肯低頭老孟郊譬之草木等荃茅倚松人好傳聞久
采巖山深夢寐勞飛兔妙摘青玉案胎仙重脫紫雲胞
小溪容入西江社四海眼空母甚高

修胥山路

兩山壁立東微行石齒參差半已傾莫等危時扶使穩

鍾定已屋名三言 卷八
但逢險處放教平一毫以上諸人力半月之間樂事成
安得坦夷三萬里家家門外是鵬程

宿耕舍

題詩鮮壁墨花新
俛仰之間迹已陳
檢點不同今老大
受持只是舊清貧
蓬藁笠漬班班雨
荷葉衫枯藪藪塵
枉廢春鋤成底事
重來慙見耦耕人

僧至

生計蕭條老杜陵
秋風檢校又東屯
碧雲句好山圍屋

黃葉村深僧扣門雨滑且留煨芋栗夜長聊欲話田園
掉歌笑指風僧耳已喜聞思斷一根

郡宅舊有飛泉湮廢不治予接竹重理之

竹泉重理舊潺湲能費亭前玉幾竿雲卧半簷晴亦雨
雪飛六月午猶寒野人久有煙霞癖官屋何如天地寬
白傅極知兒戲耳一生水石作奇觀

送史子貫歸覲且迎婦也

久住西湖夢亦佳鷺朋鷗侶自煙沙江行楓葉幾何里

春到梅梢次第花儘有好山容對榻却因吾子轉思家
青燈書冊夜深雨莫為乘鸞學畫鴉

官滿將歸與同幕別平山堂

鷗未寒盟儻可尋歸與雅不負登臨江南山作故人面
雲北鴈知遊子心淮海三年雙鬢短乾坤萬里一杯深
秋風正愜蓴羹腹松菊猶存月滿林

其二

貂敝那禁塞上寒所成何事許悲酸雪深茅屋歸巢冷

月老蘆州鴈影單官簿偶書三考滿客懷已受一分寬
秋帆但趁好風便酒在不愁行路難

陪吳總侍集研山用趙端明送行韻

煙波畫出暮江天着我蘆花明月船官滿只稱前進士
路貧休問小行年一歸已後陶元亮衆論寧無班孟堅
不負登臨重九約過江猶及菊花前

次韻鄭司理時以掌故贅相幙歸未能也

二月江南柳正花扶攜貧病又天涯愁予夜雨尊鱸夢

老却春山笋蕨芽
太白有芒兵未歇
殺青無補事堪嗟
書生迂濶多如此
不為吟詩兩鬢華

惠山月印師用予尋家韻詩見簡輒復賡載寺
前老松僵卧風雨中
月印因其摧剝而封殖之
返成竒觀欲為下一轉語未暇也故卒章及之
相逢僧話了幽尋
不負滄浪一訪臨
對菊莫談當世事
品茶猶識古人心
白雲共住山前後
黃葉自知秋淺深
龍卧蒼髯曾有約
鴈回分月供叢林

九日道中

重陽却喜無風雨野菊迎人亦自花
去年來秋又老江南江北鬢將華
離騷如此那無酒羈旅雖諳不佞家
但得東籬堪種菊儘容吾子岸烏紗

送蔡子奇節推之官廬陵

春不多寒風已柔數君到日正紅稠
庵藏澹史詩成集山護醉翁書滿樓
岸柳欲眠維鷓首幕蓮俱起看黿頭
無忘曉殿三千字一洗公孫富貴羞

宋君挽詞

持家不廢夜窓書未了功名志竟違是處青山曾對飲
祇今白羽為誰揮楊花亂落春無極燕子重來人已非
手斲蒼煙營葬地可堪晴樹轉斜暉

次韻謝兄見寄

寒入吟肩兀蹇鞍灞橋風雪幾躋攀諸賢有意起更化
老我無能悔出山談到時文真破碎情知吾道轉間闕
武元衡事傳聞否倦翼孤飛正欲還

蟹至十數日而價比異時特貴貧者只得忍口
薄暮有以為餉者作詩回餉

蟹之風月元無價只賣百錢那是錢醉墮多生貪愛業
貧隨現在喜歡緣以名怒爾吾何敢謂腹負予誰不然
新與客嘗秋已老豈堪持到菊花前

陪汪少卿遊紫陽次梁倅韻

此行許老亦津津連夜摧將雪樹春溪隔更無塵土事
山矜便識謫仙人雲依欄過香仍濕墨帶冰磨白轉新

丘壑自容吾入社不論五馬兩朱輪

次韻酬洪監倉

我輩從來不入時知心粗有硯相隨肯分雪屋十年夢
寫作秋山一段奇簾靜堂深無比客歲寒亭老有先師
梧桐帶晚西風起笑拂床頭鐵蒺藜

再用韻簡趙簿

相逢傾蓋幾何時世俗於君亦詭隨但覺文名驚朽鈍
徑令詩腹化神奇別來已賦三秋句久欲尊為一字師

洗耳正須過習簿強於太乙夜燒藜

次韻王尉贈別

十載春泥濺客衣江湖半已入吾詩事今豈得文章力
心亦難求世俗知山意向人如有語鷗盟於我合歸誰
月明昨夜欺寒夢未了西齋竹外碁

再用韻

摩挲老硯欲生衣煞欠梅花別後詩明月夜憐無客共
故人心豈不吾知相看白眼了無伴除却青山更有誰

但得秫田供醉夢世情付與爛柯碁

次韻王尉白事莫府

一癡便了公家事儘可與詩寬作程書冊不嫌官屋冷
香匱相對歛溪晴熟知白鷺難為伴煩見青山且寄聲
此別不過旬日耳又攜孤嘯上江城

山中用放翁韻

一盂之飯一盤蔬底用橫山犯毀譽與世無緣空落落
登山有道但徐徐體中不快惟讀易老去更貧常典書

四海誰知今夜月
梅花飄雪縞吾廬

其二

山畦夜雨入春蔬
此手猶存足自譽
甚愛踏青人已至
未能浮白子姑徐
有山拄頰寧須笏
無策資身不為書
莫向夕陽多感慨
百年長短一蘧廬

元日

釣寂耕閒老病身
何堪附翼與攀鱗
山中是處有詩思
天上自來無故人
歲事共知雙鬢雪
梅花又過一年春

晴妍已有溪村興
牛下柴車或可巾

元日 甲辰

坎止流行一任他
年華其奈老夫何
貧知醉有回天日
早得閒為却日戈
野燒青歸煙髣髴
溪痕晴漲雪坡陀
屠蘇只對梅花飲
茅屋竹籬春意多

元日雨

那得工夫作往還
一犁取日破荒灣
春今又綠山中草
酒不能朱鏡裏顏
六十只餘三歲在
百年亦是霎時間

村村雨色冥濛外已覺天公露一斑

其二

雲泥隔斷拜年人天自憐予老病身
薺菜共挑元日雨梅花未放去年春
風煙不盡惟吾老造化無他只此仁
小試園林栽接手山中亦是一洪鈞

立春

初信東風入綵幡自挑雪薺飭春盤
土牛又送一年老野鶴不知三逕寒
筋力尚堪耕綠野鬢毛併欲掛黃冠

無人共跨南山犢便作尋花問柳看

其二

詩儻窮人莫送窮但窮詩亦不須工銀幡雪柳人何似
翠縷瓊絲菜則同百事到頭惟早白一年彈指又春紅
漁溪亦喜溪冰泮新綠生肥撼釣筒

立春前一日雪

入冬妍暖幾兼旬明日銀幡歲又新絕意六花無復臘
等閒一尺不勝春老天咳唾何難事瘦地耕鋤亦幸民

徑就梅梢嚼清冷相如渴肺久生塵

其二

歷眼看看剩浹旬山河大地一齊新不成過臘都無雪
只隔明朝便是春夜半有誰過剡曲年豐無處不堯民
草亭只在梅花外知與人間隔幾塵

立春

花柳胚胎午夜風一尊聊與破紅封醉餘安用溜澗口
妙處元無涇渭曾紙帳不知寒浩蕩銀幡自愛雪鬢鬆

小樓認得春來處晴靄蒼茫南北峯

人日

柳思花情曉夜春空山煙水亦精神閒中富貴陽和月
靜處乾坤自在身久悟前三吾是客又經上七日為人
一蓑耕綠山南北有賦何煩問大鈞

其二

賴有空山着此翁不然高論與誰同百年會盡玄尚白
一氣不停春又紅詩卷每隨煙水外鳥聲多在夕陽中

年豐已卜晴人日亦是平生猷畝忠

人日吳明輔招不往

江湖老我百無堪
懶過紬書太史談
雨脚又連人日暗
酒腸那侶少年酣
一生出處龜藏六
萬事乘除狙賦三
且試半篙春水綠
南山之北北山南

元夕

茅屋相看冷侶冰
蒲團孤坐澹於僧
數行老墨閒居賦
一炷寒燈耐久朋
時異不供三太息
吾衰何啻百無能

後山亦有梅花月不復年時興可乘

元夕雪用韻

山蹊一色輕明玉遮盡青青印屐苔元夕不知今日是
春愁政用此時來年華鼎鼎雙蓬鬢身世悠悠一酒杯
好事斷無人問字竹門隔塢不須開

歸來館成再用韻

後門穿過荷葭塢春草池塘一逕苔盡廢秫田妨醉去
旋苦山館號歸來知無骨相取金印莫與春秋著玉杯

自有梅花可人意南枝開了北枝開

上元大雪重賦

愁霖半月辨此雪元夕山城特地寒頓有園林春富貴
略無燈火夜闌珊年饑那得花成市天巧聊將玉作欄
百紫千紅生意動不知后土幾時乾

明日登後山用韻

雪林籬落行清曉畢竟山人太耐寒酒聖坐來春泛泛
梅仙飛去玉珊珊草塘喚就荷葭塢竹逕生成花藥欄

詩敵只愁成小怯
邇來自覺筆頭乾

聞雨

夜間一霎兩霎雨
春着村南村北花
紫綿撲撲海棠齒
翠毯茸茸沙蔣芽
遊芳要非老者事
幽意自屬山人家
東風莫漫盡桃李
留與繞屋深桑麻

大雨正月二十二夜
迅雷大雨牛庵一巨松有
物擎攫而上自本至末爪痕宛然

蟄龍怒欲起春霆
併挾髯虬上杳冥
老色干雲鱗甲動

蒼皮粘電爪痕腥物方神變誰能測山不高深亦有靈
誰與護持詩墨在略無風雨損吾亭

春雨

庚戌

茅齋堅坐日日雨竹杖長閒處處苔半面不曾梅別去
四愁無奈草生來好山能費幾兩屐勝日須傾三百杯
說與海棠毋造次不論蚤晚待晴開

雨中有感

山蟄驚塵已發聲移花移木正忙生相成老子一春事

只費天公幾日晴何以消憂惟酒可無能為役以詩鳴
身其隱矣名安用寄語諸賢月旦評

百舌

巧語如簧不待頻東皇已為轉洪鈞五更風雨知巢冷
幾處宮商隔塢春時說一篇新陸賈橫連六國舊蘇秦
恃吾舌在吾何患從古不無渠輩人

泗州之約令君以雨不至次韻奉酬

已料天公作好晴近山初試一筇輕溪平染就縠紋縐

雨急眠驚瀑布聲
醉裏梨花俱瘦盡
夢中池草太愁生
未知誰是文昌段
看得春風亦世情

次韻徐宰集珠溪

山家鳧鷖散平田
沙路雲深屐屢穿
半醉半醒寒食酒
欲晴欲雨杏花天
春能醞藉如相識
柳自風流未肯眠
野老不知詩思好
但言啼鳥亦欣然

其二

僧不須敲飯後鐘
自攜茶去借松風
斬新山色佛頭綠

依舊桃花人面紅春甕貯冰搖玉螿夜堂烘蠟綴釵蟲
山靈共欲留人住新月隔溪煙霧濛

乙酉歲遊浙中道間盜起雲川遂寓珠溪

未到山陰興已闌相傳道路正間闕故人坐隔月千里
老宿肯分雲半間有客誰家無白酒能詩何處不青山
一聲啼鳥長廊靜花落花開春自閒

過北固山下舊居

池塘燕子舊人家楊柳春寒一逕斜夜讀自生書帶草

朝饑曾對米囊花，
誰在矣山如昨。
今我來思鬢已華，
舍館不知何日定。
竹輿鳴雨又伊啞。

有感

桃花紅雨柳花綿，
風物愁予重惘然。
滿目江山分楚越，
舊遊池館鎖塵煙。
朝雲漠漠今安在，
夜月荒荒空自圓。
只有雪衣孤鶴在，
竹間曾共聳吟肩。

社日萬監招飲不往

土潤如酥麥已鞭，
社公滿意作豐年。
吹筒搥鼓兒童競

宰肉分膳父老專欲事田園供歲課未甘花鳥老春煙
客中不飲顰何害正厭夜窓啼杜鵑

約君用

十日春寒挾雨俱新晴物色總歡娛花曾識面若含笑
鳥不知名時自呼流水短橋宜畫取暖風遲日有詩無
儻來須蠟登山屐村北村南路欲蕪

留別

喚得蓬船載幅巾島煙畫出渭城春匆匆笑語情何限

草草杯盤意甚真，經歲別家千里夢。浮生寄我一鷗身，
舟人報道潮平早，舉白浮君莫厭頻。

子魚

桃花水暖正肥魚，子脹連胞迸腹腴。黃粟玉燭春寸寸，
水晶鹽醋粟銖銖。鮫人泣下甘孛戮，龍伯刑淫併孕劓。
老子曾中兵百萬，酒船不枉到江湖。

上冢

煙水初平穩放閭，解纓聊復濯滄浪。每年上冢天無準，

是處下田春正忙歲月可驚寒悄悄賢愚同盡綠茫茫
早知識字能為崇不廢吾翁百本桑

其二

一盃麥飯酒悲辛不盡烟蕪舊與新地下豈無擔板漢
世間但有乞墦人茶蘼芍藥幾何日寒食清明又一春
自是老懷多感慨非干芳草負蹄輪

春日雜興

漁翁樵叟自行藏裹飯過從樂未央撲滿自緣錢作崇

鷓夷聊以酒為鄉老來願棄人間世病去欲荒牆下桑
黃犢不嫌人日雨村村犁曉綠微茫

其二

殘雪初消月正明茅簷自雨竹窓晴肩寒聳聳吟詩骨
肺渴泠泠醉酒羹苟有梅方成野趣不多松亦作江聲
高人合着山巖裏縱有窮愁徹底清

其三

野性最於魚鳥親自知不是世間人生成雪壑冰崖面

金方四月三日
卷八
收得烟蓑雨笠身楊柳春來青眼舊山林老去白頭新
毋多感慨令君瘦獨立斜陽一欠伸

其四

吾生身世信天緣聞道何須較後先未怕時逢真太歲
或言壽過古稀年窮餘祿料壑百瓮醉負生涯囊一錢
又見山林春意辦隨芳草落花眠

其五

天與之愚竟不移經年兀兀槿花籬拙於生事可無粥

工乃窮人賴有詩只恁麼休身是客知何以故鬢成絲
寒欺雪屋青燈夜六十猶癡始是癡

其六

綠繞西疇小作勞溪村寒入舊綈袍五窮政坐沒梁斗
百技不如無口飽獲稻條桑豳雅頌紉蘭餐菊楚離騷
客來更話唐虞上盍且卑之母甚高

其七

鶴骨嶄嶄疾未瘳怯行山亦倦登樓久知老去事當爾

金剛經卷之三
卷八
自入春來雨不休，虛器甚慙居士屨。
實封難覓醉鄉侯，小遲須有佳晴日。
待試山翁已健不。

其八

春來多病感顏齡，草藥泥瓶不暫停。
身似漏船難補貼，齒如敗屐久凋零。
炎黃豈解留年壽，莊老聊堪悅性靈。
長劍拄頤兒戲耳，底須麟閣更圖形。

其九

花柳村村奈老何，一春門巷斷經過。
無繩可繫西沈日。

有水皆隨東逝波
妄想已空騎鶴夢
勞生亦厭飯牛歌
正須秉燭遊清夜
轉眼蘭亭舊永和

其十

幽蹊幾日不曾來
半是紅香半綠苔
樂事每從忙裏過
好花偏向雨中開
慣貧可使居無竹
高隱共忻山有萊
投老田廬筋力倦
不才多病兩悠哉

其十一

高下雲藏野老家
縱橫水漱竹籬斜
勒將春去許多雨

流出山來都是花
白首風煙三逕草
清時鼓吹一池蛙
身閒不耐閒
雙手洗甌炊香夜作茶

其十二

南岡北嶺對窓扉
看盡朝嵐與夕霏
社後未曾聞燕語
雨中誰不惜花飛
山醅約莫幾時熟
沙笋輪囷一尺圍
莫怨風光損桃李
茶蘼芍藥又芳菲

其十三

衝雨衝泥處處行
物情殊不可詩情
牡丹又是一年過

春事略無三日晴
先後筍爭滕
薛長東西鷗背晉齊盟
山居寂寞誰堪共
杞蕪菊苗俱可耕

其十四

綠陰芳樹鳥啼春
與客相攜發興新
半落杏花初過雨
微酸梅子已生仁
每尋詩去必遷坐
穩跨牛歸不問津
筋力尚堪蓑笠在
莫欺老子髮如銀

其十五

淨掃山房不以貧
旋炊野飯喚比鄰
子規啼處一村雨

卷八
芍藥開時三逕春丘壑自成安樂國漁樵尚有老成人
茅簷相對坐終日只說桑麻語自真

山中

山中從事亦賢勞安得眠雲獨自高兩席地栽青紫芥
一株樹接碧紅桃春風多可移花信夜雨無聲入土膏
那辦工夫到詩句溪燈穿屋未編茅

其二

世間塵土隔丘林竹遶松園不厭深一片野雲人寂寂

幾番山雨夜沈沈
桑麻事業本來面
竹帛功名過去心
持戒十年今始定
邯鄲夢不到寒衾

其三

人間久矣倦迎逢
歸路牛羊帶夕春
千點梅沈山店月
一溪煙咽寺樓鐘
窮猶羞澁巉巖面
老自平夷磊砢曾
曾笑古人多晚謬
草庵雖小幸相容

其四

消閒未必在林泉
要自胷中別有天
面壁九年曾悟道

觀碁一局偶成仙不知老圃風煙外請祝聖人香火緣
莫道秋崖長是懶無求何處不超然

其五

寂寞空山久掩扉殘書誰與解重圍推廽時作橐駝坐
恍惚化為蝴蝶飛春事已歸雙雪鬢生涯盡在一荷衣
夜寒扣角悲聲壯但得牛肥道亦肥

其六

溪村楊柳好藏鴉春水池塘已吠蛙詩外共誰千里月

雨中老却一山花蝶將夢去客欹枕燕寄聲來社到家
數掩斷籬春且住莫隨芳草遞天涯

其七

草草菴居絕似僧不同劣有髮鬢髻空山一夜雷驅雨
老屋四圍雲擁燈詩骨瘦來人似鶴書牋懶去字如蠅
開門桃李俱塵土春到園林曾不曾

其八

漫道高眠晝掩闌南岡北嶺幾曾閒隰桑已作蝦蟆眼

山笋時窺虎豹斑一味懶堪醫傳僻五窮技不害詩屨
着身何幸山巖裏多閱人間百險艱

其九

暄風已愜綠陰涼小簟初橫六尺床如宇宙寬容膝地
與塵埃隔及肩牆烏烏聲樂櫻桃熟田舍人忙麥飯香
留得壁間雙不借尚堪鉏水共移秧

其十

黃紙紅旗總不宜綠蓑青笠久相知躬耕莘野一犁雨

親見幽風七月詩老已自催蠶作繭死時須用豹留皮
山深未省人間世黑白縱橫幾局棋

其十一

寂寂門無長者車穿深逗密愜幽居花能紅白錦相似
山自青蒼畫不如鶴骨政應先狗馬雛孫殊未辨龍豬
皇天老眼何緣錯高枕松風莫管渠

其十二

只合空山着此身野猿骨相鶴精神何關親戚儻來物

金少府人三
卷八
自笑癡頑向上人手可持杯寧是病瓶猶儲粟未為貧
公卿滿壁非無畫不畫公卿畫釣緡

送春

不等薰風已問津小樓無處認蹄輪極知中歲難為別
未必明朝不是春黃鳥鬧時山寂寂綠陰深處水粼粼
老來寧與芳菲競俯仰人間迹已陳

山行

亦愛廬仝屋數間野猿臯鶴共躋攀纔登樓見一溪月

不出門行十里山有興自攜殘藁醉無人得似老夫閒
樵青莫掩柴扉路留與春風作往還

其二

詩卷空留紫翠間風花飛絮豈堪攀埋雲已笑夢中夢
敲月更煩山上山長短百年誰是主死生一槩匹如閒
病餘勘破人間事底用瞿曇說八還

其三

寒食清明數日間青青楊柳與誰攀乾坤不盡雲邊眼

冰雪相堪屋上山時序只將詩撥遣窮愁聊以酒防閑
無心自是長生藥莫誤丹爐覓大還

其四

聲名空自落人間要是龍鱗不可攀春水白鷗多載酒
夕陽黃犢飽看山老吾於傳懶成癖之子有詩忙是閒
四海流傳如見問為言飛鳥倦知還

其五

人情何翅抵黃間駮彼鴻冥杳莫攀寵辱可驚浮世事

是非不到好溪山，怒鵬已較三千里。
老馬寧思十二閑，丘壑儻容詩入社。
肯將宗派繼還還。

其六

不肯諸賢季孟間，歸來雲月儘躋攀。
誰憎命達昔工部，未必詩窮今巨山。
兩鬢雪霜多是病，一蓑煙雨可曾閒。
花前得酒微成醉，歡頰春紅覺頓還。

其七

住世間，須出世間，世情何事苦牽攀。
蟠曾自作三分國。

金尺已居人言 卷八
覲面相懸兩戒山大好閉門贏得睡不多識字煞妨閒
長鬚赤脚頑於我未必淳風不再還

其八

高卧只消雲半間隨緣栽巢與猿攀不將此手遮西日
安用吾文移北山雙燕來時春掩靄一牛耕處月寬閑
溪居已息機心久莫遣驚鷗去不還

其九

亦笑吾身立兩間古人轍跡渺難攀斯文在昔豹窺管

吾力不量蟲負山有識共知方寸好無求方得幾多閒
一春大欠渠詩在準擬晴時到處還

其十

老子浮沉田里間犢車轅許野人攀飲中仙去東西玉
行處人傳大小山天且莫教三月盡我今無負一生閒
春寒正愜牛衣暖富貴從渠晝錦還

乞梅花

晚雲撩亂商量雪家傍梅花合有詩不寄一枝春苦吝

相思五夜夢先知乘雲而下惟姑射得聖之清者伯夷
已戒管城三盥沐詎令空手對冰姿

約黃成之觀瓊花予不及從以詩代簡

杜宇聲中鬢欲華春風將綠又天涯欠隨江夏無雙士
共看揚州第一花想像煙雲人跨鶴淋漓詩句字栖鴉
蹇驢不管唐衫濕醉兀歸鞍暮雨斜

再用韻

處處春風自物華有詩不了醉生涯別離苦憶平山柳

題品翻疑后土花，獨倚斷雲愁戰馬。
重歌流水帶歸鴉。
夢寒飛過江南岸，茅屋依然竹徑斜。

三用韻

倦遊久已厭紛華，欲問春蓑未有涯。
宇宙一杯詩潦草，江湖十載眼昏花。
恨身不及隨陽雁，將母何如反哺鴉。
家在青山烟雨外，春寒幾立暮江斜。

秋崖集卷八

欽定四庫全書

秋崖集卷九

宋 方岳 撰

詩 七言律體

趙龍學寄陽羨茶為汲蜀井對瓊花烹之

三印誰分陽羨茶
自煎蜀井淪瓊花
數間明月玉川屋
兩腋清風銀漢槎
團鳳烹來奴僕等
老龍畢竟當行家
相思幾夢山陰雪
搜攬平生書五車

蠶窩

百年三萬六千場擬挈乾坤入睡鄉
世事何常雲聚散
古人安在草荒涼
不禁杜宇催春老
莫怪吳蠶作繭忙
已擅一丘吾事足
人間蟻垤自侯王

夏日簡王尉

松蘿為屋芰荷衣
只與鳧鷖共釣磯
雌霓橫溪遮雨斷
雄風吹雨作塵飛
山林誰可閒來往
世俗難論真是非
頗喜雪舟王逸少
夜涼吾欲扣齋扉

樂秘書致白龍涎

閉門老去着幽禪
趺坐時參柏子煙
書冊懶隨黃犢角
巖霏寧識白龍涎
蓬萊山復在何處
杞菊賦今誰與傳
不道寶書天尺五
肯分風月到林泉

去年五月十七廬山禱而雨嘗有詩今年五月
十七昭武禱而晴因用韻

浪漫東西不自期
此公猶有鬼神知
江閩易地誰為崇
晴雨在天皆及時
年熟且從犀首飲
宦情聊付虎頭癡

舉杯試問樵溪月今世寧須我輩為

黃倅饜鱉一徐尉饜蝤蛄十同時至

誰饜螯如徑尺盤更分鱉似惠文冠麩生醉嚼玉五穀
劍客生劉珠一簞我與爾元同蠢動冤哉烹亦到蹢躅
不知南食詩何似待問昌黎老子看

熱

脫巾無計避炎熇安得長風上沈寥自浴寒泉眉子硯
時澆蒼石膽瓶蕉老來轉覺身為累貧甚豈為山可樵

坐想草亭新竹上一林碎月玉脩脩

其二

借使長空挿羽翰人間無地着高寒一丘自作清涼國
兩曜誰司赤白丸老去詩猶堪杖屨快哉風亦懶衣冠
貴人要與常人別寶帶圍腰大耐官

熙春臺用戴式之韻

山城無處着鼇頭與客相攜汗漫遊六月亦寒空翠合
一溪不盡夕陽流有蔬笋氣詩逾好無綺羅人山更幽

白雪翻匙秋已近
洗吾老瓦起相醺

宿芙蓉驛

鳳皇山下芙蓉驛
零落殘碑半蝕苔
黃鳥有時穿戶過
青山無數摺溪迴
麥秋天氣半明暗
蠶月人家忌往來
俯仰十年如夢耳
舊題剝落已塵埃

寄至能

江上歸來即定巢
牆陰野竹破新梢
有人問字時相過
無事觀書手自抄
世態十年多客夢
月明千里少朋交

茅齋亦有秋崖藁留與青山作解嘲

山中

此身只合着林泉安得纏腰十萬錢
百事懦無拖地膽
一生愚似信天緣
青山有約不知老
黃犢與人相對眠
問訊春蓑故無恙
亂雲深處更超然

其二

茅葺山堂竹打籬尚餘老鶴共襟期
一生朝市幾何日
五畝園林都是詩
身後誰澆曾磊磊
命中不帶印累累

薄田有秫聊堪釀儘足秋崖作受持

其三

老去筋骸轉覺衰間忙猶復費支持傍山新接龜頭屋
為菊重編麋眼籬仕宦已忘如隔世力田斷不侶逢時
北窓高卧美無價山鳥竟知吾是誰

其四

古木蒼藤自一丘草廬吾亦愛深幽斷無俗物敢排闥
儘有好山堪倚樓已老始知書作祟不才寧與命為仇

石床只在松陰底，拳手支頭百不憂。

送留圯父寺簿倅嚴

纔立班行便佐州，九年回首不渠留。
千峰謝與柯山對，七里灘從嚴子遊。
未用笑談驚五馬，只銷詩句狎雙鷗。
團圞殿最非吾事，夜半一編歸借籌。

過李季子丈季子晦庵門人也

易在床頭注未成，晦庵往矣與誰評。
深衣靜對山逾好，語錄重抄眼尚明。
春晚有詩供杖屨，日長無事樂鋤耕。

家風終與常人別，只聽芭蕉滴雨聲。

獨往

黃冠野服隨孤鶴，竹逕松岡共往還。
不肯避人當道筓，相看如客對門山。
窮居作計未為左，造物於吾本不慳。
徑掃石床供晝寢，自怜詩骨尚堅頑。

趙尉送菜

虛老空山學圃翁，荷鋤頭白雪鬢鬆。
芥臺如臂何曾夢，菜老生筋漫自供。
不料官園蒼玉束，絕勝禁籞紫駝峯。

更煩詩手剪春雨剩與一番風露曾

其二

豈可常貧料此翁齋盂頓有玉瓏鬆春山藥草能同飯
夜雨茅堂未缺供杞菊共傳寒綠賦柴桑不隔紫霄峯
冰甕嚼出宮商羽一洗人間芥蒂曾

其三

山雲一塢住山翁崧韭成畦帶雪鬆飛食肉奚關我事
乳蒸豚亦為誰供衡茅高枕人間世蓑笠歸鋤雨外峯

曾讀坡公菜羹賦斷無塵土到奇曾

江尉見過

夢筆諸郎住筆峰斷橋春水肯過從千巖萬壑真仙吏
兩屨一蓑子老農鐵硬脊梁長偃蹇糊塗面目易迎逢
半生誤我難相誤只許秋崖獨自憇

太廟齋宿

正爾梅蒸苦翳靈條然清廟得心齋雲連魏闕天尤近
樹暗吳山雨亦佳黃道正中垂日月赤囊猶遽接江淮

思皇列考神靈在儻許孤臣借玉堦

山中

莫怪山翁老更迂竹庵終日一團蒲
萬言萬當不如默百技百窮同是愚
往事自驚天大膽近詩空撚雪成鬚
未憂卒歲無衣褐紫鳳天吳拆海圖

其二

長嘯出門山月高古來寧獨我蓬蒿
拙於生事豈無粥猶有故情焉用袍
壠畝桑麻幽雅頌亭臯木葉楚離騷

不知公相今誰是已與人間久絕交

其三

野煙啼鳥各忻然一枕山籬又幾年不可奈何天有命
久當已矣世無緣跨牛仰面自橫笛騎鶴纏腰那辦錢
蘆葦秋聲石橋月只餐荷氣亦成仙

其四

半塢幽深近物情一筇老健愜山行月於水底見逾好
風打松邊過便清鶴睡不驚春藥白鳥啼時作讀書聲

山翁兩手渾無用只把犁鋤做太平

其五

剩斲荒寒地百弓儘供弄月與吟風太平世界豐登外
小有洞天閑適中野服染成駝樣褐山花開到鴈來紅
夕陽籬落誰呼喚盃酒蹄肩賽社翁

其六

無心出岫懶於雲生死交情一付君五柳當門陶令宅
百梅共塢老逋墳山雖甚淺略堪隱硯不能靈併可焚

我亦平生輕俗子向來魚鳥自同羣

次韻才老

藏拙欲分蘿月陰十年回首愧重臨
吾徒空倚橫天劍此老長閒布地金
案有法華山寂寂門無俗客竹深深
瘦藤莫厭頻來往同社壺觴手自斟

性老致廬山茶

枉作江南半世人安知五老不吾嗔
自參茶壑風煙美略識廬山面目真
澗汲每思佳客共雲眠誰謂老師貧

秋崖只有詩如此回向山靈報答春

息軒

種田儘辦甕頭春倦矣風波謾損神萬事不償雙短鬢
百年等是一微塵祇今蝸戰誰知誤凡我同盟人認真
夢亦妄生顛倒想何如明月自由人

入局

鴈鷺行餘紙尾箝岸湖老屋壓題籤印文生綠空藏櫃
草色蟠青欲刺簷茶話畧無塵土雜荷香剩有水風兼

官曹那得閒如此亦奉一囊慙屬厭

儻舍

儻舍真如百漏船一番風雨一騷然從頭避席遍遷坐
併手移書已絕編歎息敢為三宿戀支吾那得一囊錢
世間事更多如屋聊復因循過目前

葛帳

水紋湘簟碧雲厨從舊詩窮一例無豹脚羣飛相料理
塵毛併落不支吾冷然欲作乘風興老去誰臨却暑圖

付與北窓黃葛帳
逍遙略與世人俱

水月園送王侍郎

送別孤山步繞湖
闌干盡處倚菰蒲
翁之樂者山林也
客亦知夫水月乎
萬事不如歸自好
百年聊與醉為徒
藕花初醒蓴絲老
喚住罾船鱸腹腴

次韻章太博遷匠丞不入

誰喚山民亦此來
蒼浪猶帶野田埃
秋風吊古琴三疊
夜雨論文酒一盃
巨筆瀉成鸚鵡賦
細書飛過鳳凰臺

恨君不入秋堂瑣校定雄文鼎亞魁

其二

問字無人載酒來渴思老瓦洗晴埃半生自作鷗盟主
何物遽移蛇影杯官品強令松出世家園苦憶芥生臺
青衫潦倒枯荷似慙媿爐亭夜聚魁

其三

解頤鼎鼎得匡來淨洗詩脾萬古埃何以報君青玉案
誰其醕我紫霞杯此生只可誇耕墅小藁曾經到講臺

富貴自嫌吟骨瘦底須雌甲問河魁

直汀晚望

沙頭新雨沒潮痕獨立蒼茫欲斷魂
如以長江限南北何緣勅敵共乾坤
中年歲月疾飛鳥舊隱文移驚夜猿
鷗鷺不能知許事煙寒袖手與誰論

泊龍灣

安得蓬籠雨一蓑蘆花深處卧煙波
籌邊事付韓擒虎種樹書傳郭橐駝
從古市朝如此耳攬閒天地奈之何

秣田雖少亦堪釀底處不容人醉歌

登瓜步山

繫船孤嶼重躋攀衰草荒煙亦厚顏
丁日不為春燕許
卯年猶放佛狸還諸賢所恃江千尺
立馬奚為第一間
欲訪前朝無故老浪痕自濺蘚花斑

次韻徐太博

宗派鷓鴣煙雨外釣蓑能得幾多清
坐無相印田二頃
撚到吟髭雪幾莖剡曲船今寒
昨夢灞橋驢亦笑塵纓

南州高士難為客，却許相從文字盟。

其二

沈郎吟處秋風老，今代何人詩斗南。
鍊石補天君特妙，追雲逐月我何堪。
極知才倍曹丕十，不但人如漢傑三。
欲與東湖傳活法，當家衣鉢付誰參。

其三

湖山雨過晚雲濕，解榻文堂夢亦清。
秋入黃香金粟粟，苔侵蒼翠玉莖莖。
虫魚枉註書連屋，蠻觸令人笑絕纓。

講罷肯同詩保社有如江水敢寒盟

其四

蘆荻花寒山月小西風吹鴈又江南夜談往事六太息
老覺吾儕七不堪舉世人情如格五平生分量等朝三
次山亦復漫吾耳清夢何曾到四參

次韻牟監簿齋宮

蠻觸追奔競一豪市朝酣戰萬靈鼉齋房只在秋山外
吟卷自隨明月多問字人須煩謝絕敲門僧亦莫誰何

竹宮曾見神君否且乞天瓢為挽河

漫興

秋風寂寞斷過從只有殘書伴夜蠶官職到頭三品石
世情對面九疑峯人間漫浪老元結鬼物揶揄劉伯龍
明日黃花定何侶無錢相待若為容

古巖

廿年前此借僧單留得松聲入夢寒歲月可驚吾輩老
風煙仍作故人看山泉與佛結茶供石屋無人蝕蘚瘢

金少曰唐人言
卷九
亭角雨晴秋更碧
斷雲片片泊欄干

晚眺

晴沙漠漠水沄沄
更倚翠微搔白紛
不可以風秋後葉
何傷於月晚來雲
憂時自有夔龍在
投老政須麕鹿羣
旋拾枯松澆瀑布
小溪亦足張吾軍

七夕

明河此夕會
双星滓穢圓
清太不經牛
豈其然耕穀鯨
女何為者
嫁娉娉閒中
但覺人間巧
老去誰邀帝子靈

千古文章柳州事解將蹇拙說惺惺

題登雲約

昨夜秋風到漢庭又催鵬翮上青冥
同年前有三人傑
渾化今聯千佛經
路入桂花通月府
筆搖霜氣動文星
宮商十四絃俱應
總向祁山一處聽

偶題

空煩社友問何如筋力猶堪月下鉏
為米折腰長乞米
緣書損目苦觀書
山翁迂濶每如此
吾道寂寥誰與居

獨立西風人自老
枉悲宋玉不關渠

野步

秋風欲下題詩葉
午枕初醒破悶茶
六七里行溪詰曲
二三子共酒譁譁
乾坤何侶一傳舍
日月不停雙轉車
富貴政妨人作樂
抵須辛苦問乘槎

次韻

雲埋莎徑閒看竹
瀑煮松風旋作茶
山骨未如詩骨瘦
澗聲欲亂語聲譁
相逢杯有友名玉
所恨坐無人姓車

到手新詩遣誰寫
鷺鷥棲壁落枯槎

送別趙尉

細草輕煙畫出愁
一船明月大刀頭
苔痕欲暗藍田記
楓葉正寒江渚樓
無酒可澆鸚鵡賦
有山頻典鷓鴣裘
功名正恐不免耳
拄笏練溪南北秋

次韻吳侍郎同集硯山

晚寒閒袖揮毫手
曲角欄干倚斷雲
丘壑儘容詩獨步
江淮相望月平分
艱難鬢葆成霜茁
冷落梅花帶雪芬

金少府集卷九
卷九
酒不能平詩磊砢盃行到手已醺醺

再用韻酬退庵侍郎

飛蓋重臨霜葉老江山吞吐自煙雲詩情不論隔千里
酒令何妨寬一分到處經行多舊感等閒談笑亦竒芬
平生不負梅花月未是黃昏已半醺

瓜洲晚渡

天地中間一葉舟與鷗等是此生浮江淮千里水天碧
南北六朝煙樹愁浪挾禹功吞巨海寺騎媧石礙中流

漁蓑不涉興亡事自醉自醒今白頭

晚眺

摩挲倦眼風煙上萬木歸根葉已零衰髮不知何事白
遙岑只是舊時青功名一夢屈伸肘身世百年長短亭
莫向夕陽多感慨夜寒重勘相牛經

次韻秋夜

雨浥浮梁逗碧紗短更催睡不停搗一聲鴈帶塞愁過
八月槎隨鄉信賒別後故人頻入夢秋來燕子已還家

相逢却喜詩無恙
醉墨淋漓黑老鴉

中秋

曉入雲堂已起單
病留法喜太無端
當塗月擬中秋見
建鄴水仍江上寒
舉世不供三笑別
暮年轉覺四并難
鷓鴣杓有銅花綠
最負今宵白玉盤

月夜

人間執熱難為睡
起聽松風眎月明
天淨略無雲一點
夜深已是鶴三更
自經秋後可曾雨
纔入山來如許清

能得幾多殘暑在草根何處不蛩聲

閨中秋

摩挲倦眼一登樓鴈落寒聲半古愁付與老天推甲子
徑將明月閨中秋功名不直一杯水人世寧須萬戶侯
坐對青山談到此政應舉白與君浮

月墅

老我初營茅蓋頭墅成林壑恰中秋詩人例合三間月
餘子從教百尺樓已斲荒畦秧早韭旋呼老瓦壓新筍

客來問字煩傳語扣角前岡政飯牛

次韻梁倅中秋日雨

天公不吝常時月每到中秋苦作難醺醖又孤今夕醉
梧桐仍是去年寒萍花風老鱸魚夢蘆葉雨宜鷗鷺看
我欲與公天柱去月明多處倚闌干

次韻梁倅

只與青山對面居白雲侵屨有詩無故人咫尺隔千里
明月嬋娟共一壺鷗鷺盟應憐久客梧桐雨亦問歸塗

近來煞得秋風力老桂吹香滿座隅

此君亭

此君雅有冰雪操阿堵難為金石交亭上月明晚色淨
江頭潮落秋聲高舉杯相屬非俗物着我於中亦世豪
對之清坐欲忘日凜有直氣如吾曹

送胡兄歸嶽

風飽橫江十幅蒲秋聲正有玉花鱸淮埂一夢雨中別
嶽麓諸峯天下無場屋抵須新議論書堂更做好規模

未知雪徑青燈夜誰記臨分岸岸蘆

秋崖集卷九